

不空羂索神變真言經卷第十三

改三

唐南天竺三藏法師善提流志奉詔譯

溥遍心印真言出世間品第二十

爾時觀世音菩薩摩訶薩合掌恭敬歡喜踴躍得未曾有放歎伽沙俱胝那庾多百千光

改三

明溥照三千大千世界而自莊嚴又白佛言世尊是不空羂索心王陀羅尼真言廣大解脫蓮華壇印三昧耶中溥遍心印真言三昧耶而能示現不空千手千臂觀世音菩薩種種形好神變三昧耶以此一相三昧耶入種

種相三昧耶所謂入伊首羅天相摩醯首羅天相大梵天相那羅延天相大自在天相焰摩王相俱廢羅天相婆嚕拏天相俱摩羅天相水天相火天相風天相日天相月天相星天相乃至一切天相苦行仙相一切真言明仙相大商人相皆示現之世尊以斯等相則令修者證獲旃暮伽王一切陀羅尼真言廣大解脫蓮華壇印三昧耶不空種種成就三昧耶不空羂索心王陀羅尼真言三昧耶若以少功而受持者我則賜與一切意樂勝願

圓滿爾時觀世音菩薩摩訶薩便入溥遍心
印三摩地說溥遍心印真言曰

那莫塞桑統切室都結切隸一拽切特移結切能邑曠切

肥以迦南鞞訖誡跢踊浦奴切紺三唵雅中荷呼暮引

伽上聲鉢頭麼播捨五矩嚕陀上聲迦切邏剌

沙上聲野六跛囉合廢無計切捨野七摩訶去聲

鉢輸去聲鉢底八野摩娑無何切嚕拏九矩廢囉

十沒羅合歌麼十廢沙上聲陀上聲囉二十荷暮伽

訖特牛合口訖訖六十悌悌七十莎縛合訶八十

訖特牛合口訖訖六十悌悌七十莎縛合訶八十

爾時觀世音菩薩摩訶薩說斯真言時三千

大千世界大地補陀洛山六返震動天雨衆

華在會一切天龍藥叉羅刹阿素洛乾闥婆

藥魯荼緊那羅摩呼羅伽乃至一切真言諸

仙歡喜合掌種種讚歎空居一切惡天龍神

藥叉羅刹毗那夜迦皆悉墮落為火所燒幢

惶馳走發大叫聲一切菩薩摩訶薩俱持種

種華瓔衣服一時供養觀世音菩薩摩訶薩

溥遍心印真言三昧耶一切天龍藥叉羅刹

阿素洛乾闥婆藥魯荼緊那羅摩呼羅伽乃

至一切真言諸仙住佛法者俱從本宮持諸
華鬘塗香末香寶幢幡蓋衣服瓔珞俱時往
詣補陀洛山觀世音宮殿會中住如來前觀
世音菩薩摩訶薩前旋遶供養一時致敬同
聲白言大慈悲者說此荷暮伽王廣大解脫
蓮華曼拏羅印三昧耶溥遍心印真言法瑜
伽觀廣明心焰三昧耶者最極難有爾時釋
迦牟尼如來謂觀世音菩薩摩訶薩言清淨
者而復廣說溥遍心印具言法瑜伽觀三昧
耶爾時觀世音菩薩摩訶薩復白佛言世尊

若有有情每日晨朝日初出時以大悲心如
法清淨法瑜伽觀誦念神變溥遍心印真言
一千八遍者此人則得攝入不空幻化種種
色相三昧耶示現一切幻化三昧耶所言得
者謂得通會一切曼拏羅印三昧耶相應住
得一切最上神變計都幢三昧耶相應住得
一切如來秘密三昧耶相應住得不空一切
悉地三昧耶相應住得不空廣大神變三昧
耶相應住得不空種種色相三昧耶相應住
得不空無量稱歎三昧耶相應住得不空一

切善根三昧耶相應住得不空如來攝受記
剝三昧耶相應住得不空如來種植大福德
蘊善根三昧耶相應住得不空見一切如來
現前加被三昧耶相應住得不空如來種族
攝受加被三昧耶相應住得不空金剛種族
攝受加被三昧耶相應住得不空蓮華種族
攝受加被三昧耶相應住得不空摩尼寶種
族攝受加被三昧耶相應住得不空香象種
族攝受加被三昧耶相應住得不空一切大
曼拏羅神變加被三昧耶相應住得不空大

轉輪王種族安住三昧耶相應住得不空觀
察大明觀印觀所灌頂三昧耶相應住得一
切不空如來觀印所灌頂三昧耶相應住得
不空廣大真言明印成就三昧耶相應住得
一切不空如來菩提座加被三昧耶相應住
得一切不空如來轉法輪擊法鼓吹法螺三
昧耶相應住得不空六波羅蜜圓滿三昧耶
相應住得一切不空如來藏三昧耶相應住
得不空廣大甚深聞持藏三昧耶相應住得
一切不空如來出世解脫三昧耶相應住得

不空世間受持悉地三昧耶相應住得不空
世間妙吉祥三昧耶相應住得不空一切有
情最上尊敬三昧耶相應住此人現在未來
得是廣大相應稱歎功德三昧耶相應住世
尊者常晝夜六時憶念諸佛總說聽聞受持
讀誦則得除脫世三生老病死一切罪障超生死
海住不退地世尊若有苾芻苾芻尼族姓男
女信心清淨以大悲心常念諸佛求覓此經
若自書寫若使人書皆發悲心以上衣服財
寶飲食供給供養亦勸一切人民書寫受持

讀誦聽聞思惟恭敬供養應亦當獲不退轉
地如有有情從佛法生則謂一切如來加被
為受阿耨多羅三藐三菩提記是稱讚者所
得功德亦如諸佛世尊若成就是溥遍心印
真言三昧耶者當畫不空王最上悉地三昧
耶像白氎布絹方量四肘增亦任意中畫不
空羅索十一面觀世音菩薩摩訶薩身真金
色三十二臂正面熙怡眉間一目左面大自
在天面右面那羅延天面左焰摩王面右水
天面左俱廢羅天面顰眉努目右俱摩羅天

面顰眉努目左摩醯首羅天面顰眉努目狗
牙上出右伊首羅天面顰眉努目狗牙上出
右日天面狀赤黃左月天面狀白黃各
戴天冠冠有化佛作摩頂相那羅延天頭水
天頭兩間風天半身貫飾天服大自在天服
大自在天頭焰^{改三}摩王頭兩間火天半身貫飾
天服三十二手輪結諸印執器仗印繡索印
寶珠瓔珞耳璫鏤釧天諸衣服而莊飾之身
圓光焰結跏趺坐寶蓮華座右奮怒王三面
四臂當中正面熙怡微笑左右面目顰眉瞋

怒一手執鈎一手施無畏一手執蓮華一手
持繡索瞻仰菩薩半跏趺坐後多羅菩薩微
似低頭二手合掌半跏趺坐左苾芻明王手
捧寶華瞻仰菩薩半跏趺坐後濕廢多菩薩
微似低頭二手合掌半跏趺坐其座下右不
空曼拏羅神面目瞋怒狗牙上出身有四臂
一手執繡索一手執蓮華一手執鉞斧一手
執劍半跏趺坐後真言者長跪而坐手執香
爐是諸菩薩華冠瓔珞耳璫鏤釧天諸衣服
種種莊嚴坐蓮華座身圓光焰四面圍遶畫

十方佛作說法相結跏趺坐師子寶座面向
 菩薩頂上佛外畫苦行仙眾形體枯瘦畫一
 切天子持散寶華座下佛外畫功德天辯才
 天毗摩夜天大自在天地天火天風天水天
 是諸天等華鬘衣服而莊飾之四角依方畫
 四天王種種衣甲具莊飾之其像飾已於閑
 靜處淨治其地作曼拏羅種種香泥精潔塗
 飾模畫華印標郭界道置十一面觀世音菩
 薩種種幡華闍伽香水香華三白飲食果菰
 燈明白栴檀香沉水香安悉香蘇合香薰陸

香敷飾供養奮怒王真言護身結界輪印匡
 叙面西法坐以大悲心觀置荷字法本無生
 圓為下體金剛輪座觀置縛字言論道斷全
 為上體光霧白透觀置囉字離諸染著全為
 心月如初日光觀置咍字自性空寂眉紺青
 色觀置佉^{改三}字等虛空^六故全為頭頂備一切
 色相三昧耶等十一面觀世音復觀荷字全
 為頭光復觀囉字全為眼目光照無障時別
 先誦奮怒王真言召請供養誦溥遍心印真
 言一一字聲色相光焰若黃光焰或赤光焰

或白光焰或青光焰或黑光焰照真言字於
 心月上右旋行轉皆放光明滿十千萬當中
 夜時十一面觀世音菩薩放種種光至五更
 時觀世音現身慰語汝求何事我今為汝皆
 得滿足見菩薩時當乞二願一乞不空罽索
 心王陀羅尼真言廣大解脫蓮華壇印三昧
 耶世間一切最勝悉地成就大願亦如我身
 種種自在變用工巧法自在秘密法神通法
 入阿素洛窟法天宮龍宮緊那羅宮法履水
 法入火法入一切山林法作金銀法乞雨法

止雨法降伏一切藥叉羅刹法採伏藏法渡
 江海法占象玄象歷數算法一切真言法種
 種醫法長年藥法移諸物法化諸邪見傲誕
 人法如是世間種種之法悉得自在二乞出
 世間法時觀世音伸手摩頂解除一切垢障
 重罪身器清淨如蛇脫皮證獲不空清淨神
 通三昧耶身往詣淨土坐蓮華上證百千俱
 胝生宿命智阿彌陀佛為授阿耨多羅三藐
 三菩提記住不退地證不空無量百千神變
 三摩地十方刹土一切諸佛菩薩摩訶薩一

切天神悉皆讚歎憶念觀察當擁護持應知如是溥遍心印真言有大神通能成世間無量無邊一切諸法所謂召遣一切鬼神占相一切壽命長短吉凶之相療治一切癩病風病瘡疥癬病瘡病腹病六根等病滅除一切罪障災厄怨難符書楨禱呪詛法亦得成就出世間法觀世音菩薩現身讚語善哉善哉真言者汝今已入不空絹索心王陀羅尼真言廣大解脫蓮華壇印法中溥遍心印真言悉地成就手持蓮華施真言者當受華時即

證神通一切諸法騰往十方一切佛刹自在無礙得諸如來記莳巨護

溥遍心印真言世間品第二十一

世尊若蓮池泝作護摩壇加持木楹木杜仲木然火加持蓮華并幹葉截和酥蜜如法護摩滿七日夜得功德天現身而來靜心勿怖供養闕伽時功德天謂真言者今何所須答言施我無盡寶藏功德天言如真言者意說此語已則便不現從此已後伏藏逐身供給費用得寶藏者常增供養觀世音功德天一

切三寶恒勿斷絕特勿積貯若積貯者即不復得白月八日酥白芥子塗蓮華臺葉像前護摩一千八遍諸天世人遵敬讚歎若瑠璃瓶盛鬱金香水赤色香華摩尼跋陀羅神前每日三時讚歎供養無名指按摩尼跋陀羅神誦持溥遍心印真言滿三七日現身而來日別給奉金錢一百文盡用供養三寶勿貯若貯聚者即不復得若舍利塔前置像面西截紫檀木上塗酥蜜每日三時護摩一千八遍滿三七日夜得銀錢一十千文此護摩法

通會餘諸真言明法亦得成就又法當以菩提樹葉方布壇上上置雄黃香華供養依法加持令現三相一相點額所顧人民歡喜信仰讚樂供養二相點額騰身離地六尺而行日行三千踰膳那見聞三千踰膳那諸聲色法壽命千歲不為諸仙而相率伏常見十方一切諸佛三相點額則得神通攝持同伴去地三千踰膳那里騰空自在壽二十千歲當證一切雄黃真言明仙三昧耶復以蓮荷葉方布壇上以赤黃牛酥洗治牛黃置荷葉上

香華供養真言加持令現三相一相點額一
切藥叉羅刹諸惡鬼神悉皆降伏任爲使者
取諸財物二相點額則與一切秘密真言明
仙蹈一風輪騰空自在日行二十千踰膳那
壽六萬歲見聞二十千踰膳那諸色聲法三
相點額攝持同伴騰空自在當證一切牛黃
真言明仙三昧耶壽一俱胝歲溥遍心印真
言阿伽陀藥頌曰

應以雄黃蜜陀僧 緊保瑟訖鬱金香
荷叔迦華上雌黃 杜仲樹汁上牛黃

永樂北藏

不空胃索神變真言經

第四五册

惹暮娜那紫磨金 菩提樹汁赤牛乳
素鞞囉拏訖使羅 半努捺羅弭耶藥
塞拏歌乞使羅藥 毗瑟努羯摩使羅
等數精治白月十五日淨治塗地嚴曼拏羅
置十一面觀世音像置藥壇上以諸香華香
水飲食燈明隨力供養廣大悲心憶念三寶
觀世音菩薩唯求無上阿耨多羅三藐三菩
提燒香供養溥遍心印真言加持其藥當和
合治加持赤蜜石蜜和合盛赤銅合復置壇
上結印作法奮怒王真言加持供物悉地王

真言溥遍心印真言加持藥現煖相煙相光
 相時真言者身出光焰壇地震動應自歡喜
 證驗藥成藥和沒羅歌麼補怛囉迦油此云梵天
 颯塗摩身上手足等上身如金剛一切刀杖
 水火毒藥皆不能害攝持百人以為眷屬騰
 空自在若藥一兩點化赤銅百兩成金若服
 餌者和牛乳酥煎治為膏三日先服黃牛酥
 乳當服此藥和牛乳服滿經六月膚色鮮澤
 猶如蓮華聲音清雅髮如旋螺壽十萬歲一
 切刀杖水火毒藥藥叉羅刹鬼神惡人皆不

能害服滿一年得諸天人樂為伴侶福壽如
 天若藥和胡麻油塗頭則髮香馥若點眼額
 則見一切藥叉羅刹鬼神宮殿門開入中無
 礙世人敬愛若和牛乳石蜜服滿三年證諸
 真言明仙王三昧耶壽一大劫劫中有佛一
 一皆見菩提樹下成等正覺得此諸佛為授
改三
 記前往梵天宮應稱唵檀摩字大梵天衆一
 時迎逆乃至當往阿迦尼吒天宮為後邊身
 溥遍心蓮華阿伽陀藥頌曰
 復以蓮華鬚 素路旦惹娜 牛黃龍華鬚

銀礦沉水香 盟釋麼迦囉 石蜜青蓮華
 瞻蔔迦華鬚 計得枳華鬚 上白栴檀香
 上鞞識羅香 旃檀野跋拈 蘇合香油和
 白月十五日作曼拞羅置十一面觀世音等
 數淨治置藥壇上獻諸香華香水飲食果蔬
 燈明合和其藥盛銀合中以銀藥合盛白栴
 檀木合中置於像前奮怒王真言加持供物
 廣大悲心儼印治護坐茅草座左手執杖按
 藥合上悉地王真言溥遍心印真言光持藥
 合動現三相關伽供養至五曉時頂禮十方

一切諸佛捧藥供養持真言者及伴服藥一
 時同證隱行真言明仙三昧耶空行自在壽
 一萬歲口氣香潔如優鉢華香膚色无垢獲
 得一切隱行大仙三昧耶溥遍心印真言加
 持白芥子灰十方結界一切藥叉羅刹不能
 為障若紫檀木改三然火白芥子安悉香黑芥子
 鹽蔓菁油護摩一切毗那夜迦并及種族一
 時馳走不能為障若苦棟木然火毒藥黑芥
 子七種穀子白芥子面向他軍如法護摩令
 彼兵眾且自退住又重護摩彼諸兵眾不復

來敵又重護摩彼諸兵衆皆總退散若以佉
陀羅木量長二肘如法削治寶采寶杖作曼
拏羅置十一面觀世音當壇心上豎置寶杖
隨力辦諸香華水果蔬飲食燈明供養奮
怒王真言加持供物悉地王真言溥遍心印
真言加持寶杖上放光明是時空中告聲謂
言汝今已得不空成就如意寶杖是時燒香
闍伽供養右手持杖頂戴受持誦溥遍心印
真言加持寶杖一百八遍頭上右旋一百八
匝持杖曠野平坦地處方量一百丈地爲界

可其界內心欲地下宮殿房舍臥具衣服飲
食湯藥僕從人民一切珍寶妙莊嚴具一時
現者誦溥遍心印真言加持寶杖可界東西
南北四維中心掘地一千八下即見地下七
寶宮殿見一天女捧持寶瓶當宮門立白真
言者願入宮中真言者答今此宮殿非是堅
固真實之法天女白言願受寶瓶得大富貴
怒聲報言此非淨物何令我受天女則便涕
淚雙下見時承取遍塗身上頭面等上飲點
眼耳身如金色氣馥香潔如牛頭栴檀香口

氣香潔如鬱鉢華香眼廣明利若青蓮華髮
如旋螺聞聲見色圓九萬里壽十千劫憶知
過去千劫生事悟解內外一切典籍真言壇
印三昧耶醫方幻術聲明等論三昧耶天女
重白願入宮住復當報言我自行入汝宮殿
中天女持孀示真言者是時見孀十三兩手持孀
便即飲服塗身頭面眼耳手足得是天女一
千僕從爲伴騰空乘第一風輪證八十四千
大風輪真言明仙三昧耶往於淨土恭敬供
養阿彌陀佛一切菩薩聽聞深法若心願事

右手執杖一心觀杖真言旋杖得如心願
又法板上赤土畫藥叉羅刹像燒焯香王祀
三白食觀杖誦溥遍心印真言呼藥叉羅刹
名於藥叉羅刹像上右旋杖者則來現身任
爲命者取諸財寶衣服飲食悉皆充足

若功德天像前右手執杖誦溥遍心印真言
稱功德天於功德天像頭上右旋杖者得功
德天現身而來與諸財寶富饒之願
若毗沙門像前右手執杖誦溥遍心印真言
稱毗沙門名打毗沙門像脚者得毗沙門現

身而來乞諸錢財盡皆如願

若人門前右手執杖誦溥遍心印真言稱彼
人名旋杖打門人見歡喜

若天寺像前右手把杖誦溥遍心印真言稱

天像名旋杖則得天神現身而來所乞諸願

亦皆圓滿

改三

十三

若日出時觀日持杖誦溥遍心印真言稱日

天名旋杖即得日天歡喜觀察而擁護之

若白月十五日月初出時觀月執杖誦溥遍

心印真言稱月天旋杖月天星天歡喜觀察

而擁護之

若舍利塔前誦溥遍心印真言旋杖行道滿

七日夜塔內放光出種種聲得是相者所求

諸法悉皆圓滿

若佛菩薩像道場處執杖誦溥遍心印真言

旋杖行道滿七日夜得諸如來神力安慰滿

菩提願觀世音於後夜中現身而來與證不

空如意寶杖王三昧耶

若天旱時有龍湫汗執杖誦溥遍心印真言

稱龍旋杖龍降大雨

若霖雨者高山峯上仰天樓上高大怒聲誦
溥遍心印真言旋杖擬之其雨則止

若災風暴雨雷電霹靂數數起者高峯迥處
把杖慈觀風雨雷電起處發大慈聲誦溥遍
心印真言旋杖擬之九方周圍十踰膳那則
皆止之

若眾鬼神作煩惱者右手把杖拂病者身鬼
神怖走病得除差

若患瘡者執杖拂身瘡鬼惶走即得除差
若陣戰處右手把杖怒聲誦溥遍心印真言

旋杖期剋兩兵和解

若道曠野大海江河一切難處執杖怒聲誦
溥遍心印真言旋杖期剋則得諸難解馳退
散若人畜生患疫病者於城四門執杖誦溥
遍心印真言旋杖期剋治逐疫鬼悉皆出去
病者除差

若高迥處觀所人家執杖誦溥遍心印真言
稱彼人名當自歡喜讚歎供養

若黑月十四日不食不語於晨朝時誦溥遍
心印真言加持杖七遍置杖摩尼跋陀羅神

像北摩尼跋陀羅神像前誦悉地王真言至
後夜時摩尼跋陀羅神現身而來手持一千
金錢奉真言者得金錢時分為三分一分盡
用供養觀世音及日日作諸香水供養摩尼
跋陀羅神一分盡用供養三寶一分自用并
施貧人所得功德盡皆迴施摩尼跋陀羅神
特勿貯積日常如是乃至命終若有貯積即
不復得
若道曠野遇無水處右手執杖瞻地多有青
草濕處高聲誦溥遍心印真言以杖搯地一

千八下輪杖一千八布高聲啓請觀世音菩
薩惟願大悲救我饑渴念滿千聲其搯地處
湧出泉池其水清美誦悉地王真言以杖打
水水中涌出赤黃天神合掌而言今何所求
真言者答須諸飲食願即與我時真言者便
以種種善說改三呪願八神願天常安長得一切
諸佛菩薩梵釋諸天常加擁護與天種種諸
大菩提福願圓滿說此語已沒水而去於須
臾間手持天諸甘膳美食奉真言者便當受
取以此天食供百千人同共飽食復持種種

妙莊嚴具奉真言者如此池泉真言者心若不除者則常住世是水常爲一切人民飲喫無盡

若結印護身右手持杖默誦溥遍心印真言往大衆空中輪杖一百八帀隨心所念種種諸物則皆如意若屍陀林中誦溥遍心印真言輪杖七帀則一踰膳那成結界護作六肘壇淨治塗地以牛糞黃土泥摩飾壇上真言加持紫檀木椽釘壇四角五色線索四面圍界取族姓摩奴沙新捨未壞米哆羅以牛

五淨清淨洗浴又以香水重淨洗浴著白淨服臥置壇上白衣蓋上以三白食置壇四面布設供養散諸雜華遍於壇上四角四面置香水椀時真言者面西法坐燒焯香玉供養一切常以右手執如意杖誦溥遍心印真言加持米哆羅一千八遍誦悉地王真言亦加持之聲聲莫絕數以左手拂米哆羅身以右手杖數數按米哆羅身上令動起坐目觀四方見觀方時特勿怖懼以杖定按米哆羅頭上其米哆羅即語見語之時亦勿怖懼內心

思惟過現未來一切事等誦悉地王真言聲
 聲莫絕米哆羅盡說心所思事復以杖柱米
 哆羅心上誦悉地王真言則令米哆羅口吐
 鮮魯地羅取是魯地羅點眼點額見諸鬼神
 宮殿門開入皆無礙鬼神見者悉皆歡喜復
 以杖^{收三}撥柱米哆羅心上誦悉地王真言^{十六}令米
 哆羅吐絃唎娜取便取執持即得騰空自在
 無礙獲得一切大力鬼神三昧耶如摩醯首
 羅得大自在壽命萬歲復一稱鉢字一以杖
 撥柱米哆羅心上七下又以杖撥打喉上七

下米哆羅自吐舌出持刀割取便變成劍當
 佩身者獲得一切劍仙三昧耶壽命萬歲一
 十八千劍仙為伴又以杖撥打米哆羅頭上
 七下發遣米哆羅身中真言明神還宮而去
 米哆羅變成閻浮檀金此金一兩赤銅百兩
 和融銷鑄成上真金世尊說此世間成就法
 者悲愍當來一切有情令得證入菩提故說
 不空罽索神變真言經卷第十三